

✎ МИСЯ

Рома, ашал те авелипнаске атте, тай то сани
ппувяно о Дуйняс на дел пес годи варесо, варенже
те мангел да... А и милост Девликани, или на мангел
те дел пес годи, или иси ла девликано плани, мистеря?!
И Натура саююкли, зоралес асал, диликано асайбе...

Ту, саво живинкярес о шуко пус, соске чумидес,
мангес тут, е лулугенца телал те пире пинанге?!
О пинангипе, дали катар и мол-натурално макъовел,
Ил па пиел гаравдиня, лали ппувяно, вешутне ччайендар?!
Русалкес шук-шукарутне, аздиме, лунге, русоне баленцар?!

О беруля, букярне катар и явин жи анди ират, исилен мися...
Радинен мися. Ту ишарети ли ажарес, те лес дексави мися?!
Бужанде о чирикля жанен, на майинен пес ашал тери бах!
Орисия... Потайинен песке лалоре машкар о уче черя-дел!

Сапета, ккангеряне ккера ппанден вудара, ама нейсе...
Ленде даратар... Астарес ли “ччиб” те разпутрес утешибнаске.
Варенже гъндимнаса ашал “е рахатиескоро лулас-мира”,
бахтали...
Апрасутне, билаче гъндиматя - бипралутне, шундиматя
Арманиенге... Дар магиятар билачи, едики прешунди?!

Со ли ппенен песке о девия дива ан о веш, саве на пенжарен
и ччиб манушикани, о живиматия девликане пе гънденцар !?
Со ка препенен песке, ан о срас кана о животос-дуйняс астарел
те лел агор-агореске? Цирос! Киден цирос на харчинен!
Гогяверутне! Ппенес кана, сар чачуне праендания амаре!

Беринен пе хакая натурална, армагани катар о космично
зоралипе...
Съндинен, пе ужлиматия-натурална пе прандемнастар
камнярипе,
Ханжалин, коркорутин, секси, ехмимати те овел поколение-
фамиля.
Ден пес годи о срас катар о бияндипе, вакъти - кердипе, делхини.
Миграця, адетя денде катар о Дел презал о секо ек сезонно
хавас...
Тай най-бут жанен, сар те киден пес ккамнярибнаске те
биянгиовел цикно,
тай адавка си, мися! Мися! Мися до век, Сайпе! Упралдан -
Религия!